


Coniunctiones et orat. cycli.  
S. Antonius de Padua

Gostkowski Ignatius Oratio pro Maunat-  
fuge patrono S. Antonio de Padua.

Febr. 2897.







# ORATIO

Pro Thaumaturgo Patrono

S. ANTONIO DE PADVA

In Ecclesia PP. Bernardinorum Conventûs Tarnoviensis.

*per*

J G N A T I U M

*de Witoszowa*

G O S T K O W S K I

Vicesgerentidam Sandecensem,

Scholæ Rhetorices Auditorem.

In frequentissimo Hospitum distinctorum Concurſu

Anno Domini 1767. Die 13. Junij.

D I C T A



MAGNifico DOMINO  
FLORIANO

De Witoszowa.

GOSTKOWSKI

Dapifero Zytomiriensi,  
Cohortis Loricatæ Equiti,  
DOMINO

Patruo meo amantissimo,  
Benefactori munificentissimo.

39763

**A**dmirandas Antonii Divinissimi virtutes, quas nuper de suggestu Oratorio, in frequentissimo Hospitum Distinctionum confluxu officioso cultu exposui publicus Preco, quod Tibi Magnifice PATRUE reverenter offeram, id Tua & in Hunc Thaumaturgum Patronum pietas ferventissima, & erga me devinctissimum ex Fratre Nepotem munificentia singularis, jure sibi repetunt meritissimo. Te potissimum hoc qualecunq; literarium animi mei pignus spectat, ut quem effusum liberaliter in sui commodum Seraphicus Ordo omni quâ par est gratitudine recognoscit, hunc Thaumaturgus Ejusdem Filius olim, nunc Patronus gratiosum laudum suarum sentiat Protectorem. Neq; dubito quin sereno vultu & plena propensæ voluntatis significatione, hanc rudi quidem oratione depictam, sed Antonii Divinissimi immortalis gloriâ condecoratam is excipias opellam, Cujus maximum esse operæ pretium, bellè novi non solùm devotissimo cultu jam in Cælis

Trium:



Triumphantis laudes celebrandas eligi putare, ast etiā omni  
contentione animi virtutes Te sequi Viatoris, Non jam ego  
(ne domestica extollere videar) tuam in Superos pietatem,  
in Ecclesiam munificentiam, in Patriam refero fidem. Ex-  
tant utiq; publica foris documenta, quæ Te morum probi-  
tate Dns peramabilem, humanitatis officiis amicis jucun-  
dissimum, liberalitate erga pauperes testantur fuisse plurimum  
commendatum. Quā verò, decorem Domus Dei, intimis  
pectoris dilexisti medullis, splendor ejuspalam loquitur, quem  
per Te adaugeri pretioso jam multis in locis apparatu omni-  
bus est compertum. Exultat jam dilecta Tibi Patria, quòd  
in tanto Equite dexterrimum legum propugnatorem, gau-  
det Orthodoxa Religio, quòd zelosissimum integritatis suæ  
Assertorem, triumphat pretiosior auro libertas, quòd eximium  
sui tutorem in Te adinvenerit, qui potius vitæ propriæ quàm  
harum omnium vel minimam jacturam patienti animo suffer-  
res. Nihil dico, quā multum debitæ observantiæ meæ offi-  
cium intercesserit, ut in faventissimum Patrum devinctissimi  
obsequii, in singularem Literarum & Literatorum Prote-  
ctorem intimæ propensionis contestarer argumentum. Exim  
verò tanta in me beneficiorum, tanta favoris Tui comperio  
monumenta, ut illis exasse rependendis nec perpetuum gra-  
titudinis sufficiat studium. Ea propter pro Domo cujus egi  
Oratorem, Illius laudes in gratioso Tuo reponens sinu, Exo-  
ratorem pro successibus Patruī amantissimi Antonium substi-  
tuo Divinissimam. Atq; per validissimam intercessionem Ejus-  
dem Deum Ter Optimum Maximum supplex obsecro, ut  
annorum longissimo decursu Divinis benedictionibus cumula-



tissimus, lætate per quam maturus, meritīs in Ecclesiam Dei  
& Patriam charissimam plenissimus, sospes & fortunatus  
perfruaris, utq; universæ vitæ meæ rationes Tuo sub Pa-  
trocinio tutissimè conquiescant, ut pote:

**MAGNIFICÆ DOMINATIONIS VESTRÆ**

Patruī mei amantissimi  
Benefactoris munificentissimi

devinctissimus ex Fratre Nepos,  
& humillimus Suppedaneus  
Idem qui supra.



## ORATIO

**M**aximas Vobis *Religiosissimi* in Christo *Pa-*  
*tres* gratias, & habere & agere debent Scho-  
læ Nostræ, qui cū hodierno die in tanta frequentia  
distinctorum Hospitum Annua Divinissimi Antonii  
solemnia renovatis, nec præconcepta desideria nostra  
exacerbare voluistis, quin ex testificatione Clientalis  
in Hunc Thaumaturgum Patronum pietatis, Vos er-  
ga tenerrimi affectūs, & maximo gaudio & gratula-  
tione frueremur. Quod factum cum nobis omni ex  
parte sit gratissimum, tum mihi cum Provincia per oran-  
di hoc in præsentiarum superponitur, ut ex Seraphi-  
cæ Religionis, tanquam mari laudibus Divinissimi  
Antonii utpote uberrimi fontis præconia eruam. Ne  
vero hoc genere dicendi assentari vobis videar, dicam  
non meo judiciō, sed teste Cælo, teste Ecclesia, & te-  
ste terra dicam, sacerrimam Religionem Seraphicam  
horum omnium gloriam, decus, & præsidium extitisse.  
Nonne es gloria Cæli o Religio Seraphica! ex qua  
ad laudes Divinas intonandas ultra septem millia  
quingenti quatuor Sancti supernas sedes petiere, Horum  
ē medio mille quingenti Martyres effuso per cruenta  
vulnera sanguine & integritatem fidei asseruere, &  
glo.



gloriæ Cælestis æviternam Patriam consecuti sunt. Quid  
dicam de Religionis istiusmet Confessoribus, quorum  
ultra sex millia hanc S. Catholicam Romanam Reli-  
gionem verbo & exemplo esse unicè necessariam, ad  
æviternam salutem obtinendam satis abunde proba-  
verunt. Et quis vobis præsumet denegare, quod de-  
cus Ecclesiæ in Religione vestra præferatis? unicuique  
me etiam tacente, exultat Sedes Apostolica,  
quòd quinque Summis Pontificibus à Vobis sit  
dotata? Adsunt præterea ultra quinquaginta sex Car-  
dinales, concurrunt ultra nonaginta Archiepiscopi, Epi-  
scoporum verò numerum inire impossibile, quorum  
singuli ad singulare decus & ornamentum Ecclesiæ  
suis temporibus floruerunt. Nihil dico de Bonaven-  
tura & Scoto Doctoribus, à quorum expositionis cla-  
ritate, splendidissimum Ecclesiæ jubar accessit. Quid  
si commemorem illum Bernardinum Senensem, atq[ue]  
Joannem Capistranum, quorum operâ Sanctissimi No-  
minis Jesu Cultum in Universam Ecclesiam introdu-  
ctum singuli & veneramur & miramur. Appro-  
bant Universi Sacerrimam Religionem Vestram, ad  
præsidium terræ erectam, cujus robur invictissimum in  
propagando Cultu Divino, in conciliandis malevolis  
animis



mis in disseminanda ubivis gentium Pace, nemo est  
qui non videat. At verò in Divinissimo jam supra  
fato Joanne Capistrano nonne luculentius hujusmodi  
crevere fundamenta? imò luculentissimè, qui Dux exer-  
cituum, profligatis in fidem Conjuratis hostibus, tran-  
quillitatem Regno ablatam resarcivit. Accedit &  
hinc plurimum terræ ad præsidium, quod sepulchrum  
Christi Domini, ille pretiosissimus Orbis Universi the-  
saurus in custodia Vestra jam ultra quadringentos An-  
nos sit repositus, cujus supremus Custos, Pontificio in  
solemnioribus indutus apparatu, auratos Sanctissimi  
Sepulchri Equites assvevit procreare. Admiranda cer-  
tè in Religione Vestra hæc universa, non tamen sunt  
miranda, cum Sanctus Franciscus Pater Vestrum, Di-  
vina virtute, Corpore integro & incorrupto Cælum  
versus erectus, atq; supra tumulum in aère pendulus,  
hodie dum stans observetur, prodigiū factus est Universo  
mirabilis profecto etiam post funera in Seraphico Patre  
& servo suo altissimus Dominus, verum & intanti  
Patris Filio cujus solemnia hac luce renovamus Di-  
vinissimo Antonio, non minùs admirandus. Cujus  
ego laudes ut brevibûs perstringam quantum potero,  
voce contendam, ut omnes Quid in hoc Thaumaturgo



turgo Patrono sit admirandum audiatis. Sed cum mihi & pro gloria Dei plurima, & in Antonium multa sunt dicenda, alterum quod immensum, peto à Vobis AA. ut Vestra in superos pietate compleatis, alterum ipse efficere contendam ut me pro Antonio Divinissimo admiranda dicentem, benigne audiatis. Simul etiam illud à Te o Sancte Pater Antoni oro, ut si meas indicendo vires defficere jam conspicies non aliter ac si oblitum mei, præadmirandis Tuis facinoribus me putaveris.

Et si universæ Antonii Divinissimi vitæ rationes prodigiorum sint plenissimæ, adeò ut à primo sui limine totius Orbis oras longe lateq; pervagatæ nullis miraculorum limitari possint terminis non expectabilis tamen hodie, ut singula ejus momenta, ut potest nimis amplam neq; hujus temporis (quod per exiguum Orationi meæ circumscripsi) vobis proponere contendam seligemus ex multis pauca, atq; non incipiendo Antonium à puero, quanquam & hic plurima essent admiranda, nonnisi quod sit admirandus mente. Admirandus verbo admirandus opere ultimi sermone prosequemur.

Et hic patiare me Antoni Divinissime jam ad oculum



lum Mundi producere sublimitatem Tui animi quam  
licet multo tempore humilitatis amore obvelabas, pro-  
filiebat tamen illa, & Caelos ipsos penetrabat. Cu-  
jus rei ut Vos faciam certiores, nolite quæso putare  
Antonium ex integro esse hominem, Angelus enim  
erat mente, Cujus Cælestis illa Patria, quam ferventis-  
simis desideriis adhuc interris vivens incolebat, peipe-  
tuum erat domicilium. Mirabile affirmatis audire,  
sed nonne prodigio simile, quod Thaumaturgus iste Pa-  
tronus, corpore etiam in contemplatione Divinorū Cæ-  
lum versus sublatus, aëra est visus penetrare, Alter hic  
credite mihi Doctor Gentium, qui antequam ad con-  
ciliandas Deo diversas Nationes sese contulit, Cæli  
prius Discipulus est factus, unde omnem sapientiam  
hauriens, terris eandem erat refusurus. Quam vero  
mysteria Divina profundissimè estimabatur testes apello  
eos, quorum vel incredulam pertinaciam vel errorum  
obscuritatem lucidissimis rationibus convincebat. Ti-  
bi, Tibi inquam Antoni, ardua sperare, altissima tran-  
scendere, abdita persequari, futura prævidere vel ma-  
ximè datum erat à Deo. Attendite adhuc paulisper  
cogitationes Sancti Hominis. Erat in Illo cognitio  
omnigenarum scientiarum perfectissima, quia Divi-



nitus infusa, incium se tamen proclamabat: erat in  
agendis rebus prudentia peritissima, hominem tamen  
sine ratione se esse affirmabat. O. humilitatem ad-  
mirabilem! atq; omni laude literis monumentisq; de-  
corandam. Quid tandem diutius, cogitas, quid ul-  
terius moliris, dic age, responde o Antoni: animad-  
verto ego (te omni studio in id ferri) ut hæc supre-  
ma perfectionis Tuæ semina, copiosissimam cultus Di-  
vini propagandi, & quærendi salutis animarum  
profectus, messem proferant. Ecce nunc tempus ac-  
ceptabile, (in re Christi sic loquar) ecce dies salu-  
tis, ideoq; multa admiranda de mente Tua mitto  
dicere, ne quàm sis admirandus verbô, omittam.

De verbo Antonii dicturus, verbis ut nummis uten-  
dum esse palam fateor. Atqui tantus verborum inve-  
niri poterit apparatus, ut pene Divinum in hoc Di-  
vo Præcone eloquium, non dicam exornare sed vel  
in parte adumbrare valeat? Admirandus prodeat ne-  
cesse est Orator qui admirandum in verbo Dei. Di-  
vinissimum Antonium vivis orationis coloribus effor-  
met. Verùm profundius humilitatis Antoni fixæ ra-  
dices, nonne abjectissimos in spem erigunt m. eliores

Refe-



Refero Vobis AA. tantam in hoc Viro fuisse humili-  
tatem, ut nisi superioris obstitisset mandatum, nun-  
quam ea dicendi vis atq; facultas latitari in ore An-  
tonii innotuisset Univesso. Ego Divino id consilio  
factum puto, cum deesset, qui reficeret verbô Dei Con-  
fratres, tunc ad ejusmodi Provinciam obeundam An-  
tonius compulsus, illico se admirandum in verbo de-  
monstravit. Est fulgor & fulgur in Tuo o Antoni!  
verbo, exclamant attendentes, percellis non vincis tan-  
tum invictissima, Quare ne sub modio lucerna abscon-  
datur, sed reposta in candelabro cunctis luceat, datur  
Tibi per Univessum prædicandi facultas. Et hic jam  
vellem ego præ oculis Vestris constituere eos singu-  
los, quibus Antonium per Sacras Exedras detonantem  
contigit audivisse. Sed forsitan Orbem nucleo inclu-  
dere attento, Capere equidem ad vocem Sanctissi-  
mi Præconis confluentes, non jam Ecclesiæ, sed op-  
pida, Urbes, Provinciæ & Regna nequieverunt. Pro-  
fundebant illi sese in Campos pervagabant vastissi-  
ma locorum, exelsa montium, remota sylvarum per-  
tingebant, ut attingere vocem Antonii potuissent.  
Sed non sunt hæc miranda, egrediebatur enim cum  
voce Ejus quædam virtus, quæ universorum sanabat



universos defectus. Miramur singuli ad vocem Ezechielis Prophetæ ossa arida quondam surrexisse. O si spectare nobis liceret. AA. hismet oculis cerneremus, quantum ad vocem istiusmet Prophetæ ( multa enim futura prædicebat ) quantum inquam ad vocem istiusmet Prophetæ aridissimi in gratia Dei peccatores, surgunt in virtutes, nullusq; repertus est tam obstinatus, tam rudis, tamq; desperatus, inventus nullus, quem cum aut allocutus, aut contuitus Antonius fuisset, illico non maximum vitæ fructum cepisset. Quid si memorem illos à fide Christi alienos, quos Ecclesiæ Catholicæ invisceravit, Hic novus Apostolus, pro certo adeò in eis convincendis dexterrimus extitit, ut omnium Judicio malleus hæreticorum vocaretur. Neq; mirari non possum, in quærenda animarum salute Antonii Divinissimi ferventissimum zelum tantus enim cordi ejus inerat, ut Illum à Verbo Dei de prædicando, non vis hyemis, non itineris longitudo, non asperitas viarum, non morbus etiam ingravesceus retardaret; quinimo ubi bene merendi de salute proximi seve obtulit campus non jam iter facere sed volare Antonium videretis. Vereor ne quæ in verbo Antonii sunt magis admiranda, transiliat mea dictio; ac pro:



ac proinde pluribus prætermiſſis, hæc quæ, referam, fir-  
mius teneatis. En Antonius prædicans Patrio idio-  
mate, à diverſis Nationibus intelligitur, non ne pro-  
digium? en uno eodemq; tempore & in Exedra  
verba Sacra faciens & in hora Divinas laudes con-  
ſpicitur decantans, non ne res nova? en vox Ejus,  
ultra duo milliaria pervolans, ſui cupidos verbò Dei  
reficit, non ne ſtupor? en aſinus verbò Antonii in  
venerationem Sanctiſſimi Sacramenti fleſcitur? en pi-  
ſces ad audiendum, Servum Dei confluunt, en undiq;  
aves convolant, atq; ſupremum Numen quoquo pos-  
ſunt modo, recognoscunt, non ne miraculum? imò  
tantum miraculum, quantum nuſquam legitur. Sed  
nimis multa fortè de verbo, rem potiùs intueamur  
AA. quam quidem intelligo verbò fieri interdum gra-  
viorẽ ſolere.

Eſt hoc in more poſitum conſuetudineq; multorum  
ut verbis ad oſtentionem magna jactitent, nihil au-  
tem probent opere. Alii excitant eloquiò plurimos  
ad quæq; optima peragenda, quæ ipſi minimè exe-  
quuntur. Aſt non ſic Antonius Diviniſſimus, Qui  
non ſolùm verbo, ſed etiam opere æque extitit ad-  
mirandus, & quæ alios docere nitebatur, hoc ſe ipſum  
priùs



prius fecisse demonstravit. Enimvero si virtutes Antonium contuebimur instillantem, eritne harum minima, quam non tenerimo studio complectatur? Nolo ego, vos in omnium cognitionem introducere, nimis enim recensendo singulas, essem molestus. Sed recogitate Vobiscum ipsi, quid in Antonio Divinissimo sit humilitas, si non abysus profundissima? quid obedientia? si non spontanea servitus, quid paupertas? si non alienissimus ab illecebris Mundi animus Vultis adhuc quantum excelluit patientia Vobis referam, quis intollerandis adversis constantissimus? quis in sustinendis opprobriis invictissimus? si non Antonius Divinissimus? quis insuper in mortificandis suis sensibus acerrimus est vilus? si non Antonius Divinissimus? Primum ut evidentius cognoscatis, cum vobis Antonium ad pedes inimicorum suorum milites procumbentem, & amabili osculo vulnera pertinaciae lenientem; Alterum, ut clarius pateat, necesse est, ut Antonium Divinissimum, jam omnis alimentum per aliquot dies expertem, jam totas insomnes noctes, ipsis disciplinis corpus crudelissime lacerantibus, Orationibus defessas, enervantibus vires, serio invigilantem observetis. Sed respicitis jam in hoc Divinissi-



vinissimo Patrono amorem Dei, atq; proximi quorum primo quantum ardebat, nonne & e pectore sæpe sæpius erumpens ignis, & ardentissimum Martyrii desiderium satis clarè demonstrant? Alterius verò mirabiles effectus tunc Vobis imotescent; si Antonium Divinissimum ulcera infirmorum exsurgentem, desperatos animos solamine spiritus perfundentem, salutem animarum cum detrimento propriæ sanitatis, ocyus succurrentem ubivis locorum persequemini. Sed apud quos hæc dico, utiq; apud eos, qui cum maturiori Judicio universam Antonii Divinissimi introspicitis vitam, nullibi melius, quam in hac ipsa velut in speculo optimè singulas elucere virtutes affirmatis. Quapropter non est jam mihi laborandum, quid in opere Antonium admirandum effecit; cum tot tantisq; virtutum decoribûs cumulatus quam admiranda perpatrabat, animadverto, seriem mentè comprehenditis. Ecce ille splendidissimus Angelicæ nitor castitatis permanens in Antonio sic arrisit Infantulo Christo Domino, ut in ulnas Ejusdem sese recipere, & tenerrimo à servo suo stringi complexu ultrò gestiat. O spectaculum! non modò hominibus, sed ipsis Angelis admirandum, o Manus Beatissimas! quas inæstimabilis appretiat Unio,  
Anto-



Antoni (magna loquor cum fiducia) Antoni, quid ergo ab-  
hinc in hoc orbe terrarum sic erit admirandum quod in  
commune opus sacratissimis tuis non abeat manibus Vide-  
te quæso, videte, vix attrectat Antonius Infantulum Iesum  
manibûs, & illico admirandus opere non solum terra & ma-  
ri, est etiam in ære extitit. Admirandus Antonius in ter-  
ra, illi enim sanare infirmos, periclitantibus amissos restitu-  
ere sensus, excitare mortuos, jam pene cessit in naturam.  
Admirandus in mari, cuius potentia frenantur tempestates,  
errabundæ rates ad præfixum portum diriguntur, & quas  
vel opes, vel homines insatiabile absorbit Æquor, hæc illico  
cæteraque integra cuiusvis genesis evomere cogitur. Ad-  
mirandus & in ære Antonius Divinissimus, hunc enim dum  
corrumpitur, moderat, dum intumescit ventis pacat. Ter-  
rent Vos vehementi mugitu excussa de nubibus fulgura, hæc  
ne noceant, retundere est Antonii pertimescitis lapsus de-  
super, Antonius labentibus, ne collidantur, manum supponit.  
& sic ubiq; locorum opere admirandus, seu ut basim cui to-  
ta Orationis meæ structura nitebatur eò firmius Vestris in  
animis solidem. Erat mente admirandus Antonius D vi-  
nissimus, erat verbò, erat opere admirandus. Nunc verò  
cum orationis optandus est exitus, duo à Te o Sancte Pa-  
ter Antoni! oro, antequam hunc attigero. Primum cum sis  
admirandus mente, mentes nostras salutaribûs cogitationi-  
bûs imbuere, cum autem sis admirandus verbò, loquere pro  
Republica Polona, loquere pro Orthodoxa de, loquere pro  
communi omnium nostrum bono. Te etiam insuper admi-  
randum opere obsecramus, operare intercessione Tua poten-  
tissima.



tissima, ut sedatis Regni tempestatibus tranquilla pace gloriemur. Alterum est quod à Te orem, ut in hoc brevissimo Tuarum laudum contextu non sermonis elegantiam, quæ est nulla, sed voluntatem nostram, quæ est maxima spectare velis, atq; Scholas Nostras, quotannis Nomini Tuo applaudentes, unâ cum Grandæva Scientiarum Matre Vniversitate Cracoviensi utpote tenerrimo amore Ordini Seraphico multum cognata prosperam ac æviternam in gratioso sinu Tuo Pater Optime serves.

P E R M I S S U

MAGNIFICI DOMINI RECTORIS.

Studij Generalis  
Almæ Universitatis Cracoviensis.









